



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1647-1/10
Sarajevo, 14.7.2010. godine

01-50-1

15-07-2010

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:	15.07.2010		
Organizaciona jedinica	Klasifikaciona oznaka	Broj	Broj priloga
01-50-1-15-77/P			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 128. sjednici održanoj 14.7.2010. godine, utvrdilo je Odgovor na zastupničko pitanje koje je postavio gosp. Mehmed Suljaković, zastupnik u Zastupničkom domu Parlamentarne skupštine Bosne i Hercegovine.

U prilogu dostavljamo Odgovor uz molbu da isti uručite zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1647-1/10
Sarajevo, 14.7.2010. godine

MEHMED SULJKANOVIĆ, poslanik u Predstavničkom domu Parlamentarne skupštine Bosne i Hercegovine, na 77. sjednici Predstavničkog doma održanoj 12.5.2010. godine, postavio je slijedeće poslaničko pitanje:

„Da li je Vijeće ministara ovlastilo nekog od ministara za članstvo u Upravnom odboru Regionalne škole za javnu upravu i koga? Da li su imenovani predstavnici Bosne i Hercegovine za rad u operativnim strukturama Regionalne škole za javnu upravu i po kojim kriterijima? Da li su uspostavljeni mehanizmi adekvatnog izvještavanja, predstavljanja i sudjelovanja Bosne i Hercegovine u ovoj regionalnoj inicijativi?“

Na postavljeno pitanje, Vijeće ministara Bosne i Hercegovine je na ~~128.~~ sjednici održanoj 14.7. 2010. godine, utvrdilo slijedeći

ODGOVOR

Na 14. sjednici Upravnog odbora Regionalne škole za javnu upravu, održanoj 16.6.2010. godine u Podgorici raspravljano je o Sporazumu o uspostavljanju Regionalne škole za javnu upravu (ReSPA).

Navedeni Sporazum ratificiralo je Predsjedništvo Bosne i Hercegovine i isti je objavljen u „Službenom glasniku BiH – Dodatak Međunarodni ugovori“, broj 8/09.

Članom 27. stav 2. Sporazuma je regulisano:

„2. Ovaj Sporazum stupa na snagu prvog dana u mjesecu koji slijedi nakon dana kada je pet država, od sedam Ugovornih strana, uključujući Crnu Goru, deponiralo svoje dokumente o ratificiranju, prihvatanju i odobravanju kod depozitara“.

Do sada su, osim Bosne i Hercegovine, Sporazum ratificirali i deponirali dokumente o ratificiranju: Albanija, Crna Gora i Makedonija.

Na 14. sjednici Upravnog odbora ReSPA dobivena je informacija da su Hrvatska i Srbija uputili Sporazum u parlamentarnu proceduru, radi ratifikacije, koja bi trebala biti završena prije ovogodišnje ljetne parlamentarne pauze.

Upravni odbor ReSPA planira održavanje prvog sastanka Upravnog odbora ReSPA na ministarskom nivou i otvaranje prostorija ReSPA u Danilovgradu u sedmici od 20. do 24.9.2010. godine, nakon pete ratifikacije i deponiranja ratifikacionih dokumentata, te prihvatanja i odobravanja od strane depozitara, o čemu će biti donijeta konačna odluka nakon konsultacija o raspoloživosti termina učesnika visokog nivoa (ministara, predstavnika Evropske komisije).

Članom 14. st. 1., 2. i 3. Sporazuma je regulisano:

„1. Upravni odbor će biti sastavljen od po jednog predstavnika svake članice ReSPA. Predstavnici će biti iz ministarstva ili tijela ekvivalentnog nivoa koja su nadležna za javnu upravu, razvoj ljudskih resursa ili evropske integracije.

2. Svaka članica ReSPA će imenovati ministra ili funkcionera ekvivalentnog nivoa kao svog predstavnika u Upravnom odboru za sastanke Odbora koji će se održavati na ministarskom nivou.

3. Svaka članica ReSPA će imenovati jednog visokog službenika i njegovog zamjenika kao svoga stalnog predstavnika u Upravnom odboru za sastanke koji će se održavati na nivou visokih službenika“.

Ministarstvo pravde Bosne i Hercegovine, kao nadležno ministarstvo za javnu upravu na nivou Bosne i Hercegovine, provodi proceduru i priprema materijal za sjednicu Vijeća ministara Bosne i Hercegovine o imenovanju bosansko-hercegovačkog člana Upravnog odbora ReSPA na ministarskom nivou, u skladu sa članom 14. stav 2., te člana i zamjenika člana Upravnog odbora ReSPA na nivou visokih službenika, u skladu sa članom 14. stav 3. Sporazuma. Članovi Upravnog odbora ReSPA iz Bosne i Hercegovine će biti predloženi u skladu sa članom 14. stav 1. Sporazuma. Očekuje se da će ovo pitanje biti razmatrano na sjednici Vijeća ministara Bosne i Hercegovine prije ljetne pauze.

ReSPA je raspisala i provela javni konkurs za izbor direktora ReSPA. Najbolje rangirani kandidat je Suad Musić, zamjenik direktora Ureda koordinatora za reformu javne uprave pri Kabinetu predsjedavajućeg Vijeća ministara Bosne i Hercegovine. Odluku o imenovanju direktora ReSPA će donijeti Upravni odbor ReSPA na ministarskom nivou na svojoj prvoj sjednici. Na istoj sjednici će se donijeti i druge odluke, među kojima i odluka o zapošljavanju osoblja u ReSPA, koje će se izvršiti na osnovu javnog konkursa. Tako će i zainteresovani iz Bosne i Hercegovini moći konkurisati na oglašena radna mjesta. Brigu o ravnomjernoj zastupljenosti osoblja iz zemalja članica ReSPA će voditi direktor i Upravni odbor ReSPA.

Do sada je ReSPA redovno izvještavala svoje članice o radu i učešću državnih službenika na obukama i o svim drugim važnim pitanjima. Predloženim aktima, pripremljenim u skladu sa Sporazumom, koje će usvojiti Upravni odbor ReSPA na prvoj sjednici, osigurani su mehanizmi da se to čini i ubuduće.